




ԱՄԵՆԱՅՆ ՀԱՅՈՑ ՀԱՅՐԱՊԵՏԻ ԿՈՆԴԱԿԸ՝
ԿՈՍՏԱՆԴՆՈՒՊՈԼԻՍԻ ՊԱՏՐԻԱՐԲԻՆ
ԵՎ ԹՅՈՒՐՔԱՀԱՅ ԺՈՂՈՎՐԴԻՆ

ԳԵՈՐԳ ԵԱՌԱՅ ՅԻՍՈՒՍԻ ՔՐԻՍՏՈՍԻ,
ՈՂՈՐԾՈՒԹԵԱՄԲ ՏԵԱՌՆ ԵՒ ԿԱՄՕՔՆ ԱԶԳԻՍ
ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ԵԱՅՐԱԳՈՅՆ ՊԱՏՐԻԱՐԲ ՀԱՄԱԶԳԱԿԱՆ
ՆԱԽԱՄԵՆԱՐ ԱԹՈՒՈՑ ԱՌԱՔԵԼԱԿԱՆ
ՄԱՅՐ ԵԿԵՂԵՑԻՈՑ ՍՐԲՈՑ ԿԱԹՈՒՂԻԿԷ ԷԶՄԻԱՆՆԻ

ԱՄԵՆԱՊԱՏԻՒ ՊԱՏՐԻԱՐԲԻՆ ԹԻՒՐԲԻՈՅ ԳԵՐԱՇՆՈՐՀ Տ. ԳԱՐԵԳԻՆ ԱՐՔԵՊԻՍ-
ԿՈՊՈՍԻՆ ԵՒ ԹՐՔԱՀԱՅ ՍԻՐԵՅԵԱԼ ՀՕՏԻՆ ՄԵՐՈՒՄ ՈՂՋՈՅՆ ԵՒ ՕՐՀՆՈՒԹԻՒՆ
Ի ԳԱՀԷՆ ՍՐԲՈՅ ՀՕՐՆ ՄԵՐՈՅ ԳՐԻԳՈՐԻ ԼՈՒՍԱՒՈՐԶԻ ԵՒ Ի ԳԱՀԱԿԱԼԷ ՆՈՐԻՆ

Ամենապատվոյրյանդ՝ Կոստանդնուպոլսում նորակառույց, Ս. Խաչ եկե-
ղեցու կողմէն, Արմաշի Դպրեվանքի ծրագրով միջնակարգ դպրոց բանալու
որոշումը՝ իրենց կողման գիտակից և եկեղեցուն ու Ազգին նվիրված հոգևոր
պաշտոնյաներ և ուսուցիչներ պատրաստելու նպատակով, ողջունում են:

Ամենուրեք հայկական համայնքները մեծ կարիք ունեն ազգային-եկեղե-
ցական կրթական հաստատությունների՝ իրենց ազգային-եկեղեցական կարիք-
ները արժանապես ու լիապես հոգալու և իրենց ազգային դեմքը անաղարտ
պահելու և դիմագուրկ չլինելու համար: Այս իսկ տեսակետով, բնականաբար,
Մեզ հանելի է լսել ու ողջունել նոցա բացումը ամենուրեք: Նամանավանդ ող-
ջունելի է նոցա բացումը քյուրֆահայ համայնքներում՝ նկատի առնելով նախ՝
երկրում գոյություն ունեցող մեծ պանանջը ֆահանայության, ուսուցչության և
հատկապես երկրի ծայրագավառներում և երկրորդ՝ օտարախառնակների հա-
մար ներկայումս համարյա ամենուրեք գոյություն ունեցող դժվարին մոտեր
որևէ երկիր, որի նկատմամբ քյուրֆահայ ավելի խստապահանջ է, ինչպես
պարզորեն երևցավ այս վերջին պատրիարքական ընտրության առթիվ քեկ-
նածուների նշման ժամանակ:

«Ս. Խաչ Դպրեվանք Պատրիարքության Հայոց Թյուրքիայի» վարժարանի բացումը ողջունելի է նաև այն պատճառով, որ դպրանոցը պիտի ղեկավարե Սրբազան Պատրիարքը, որ իր անցյալ գործունեությամբ բազմաթիվ ապացույցներ է տվել՝ թե ինքը եկեղեցական-ազգային կրթական ասպարեզում ընդունակ և հաջող գործիչ է և նվիրված գործին, որով արժանացել է Ազգի մտավորական տարրերի համակրության: Այդ պարագան գրավական է, որ բացվելիք էր դպրոցը՝ ունենալով իր կրոնասեր և ազգասեր ղեկավարը, այդ ոգով պիտի մկրտե քյուրբանայ երիտասարդ սերունդը, այդ ոգին պիտի դրոշմե նոցա հոգու մեջ և այդ ոգու ներշնչումը պիտի պահանջե դաստիարակներից և ուսուցիչներից. ոգի, որին այնքան կարոտ է ցաֆուցիվ ընկած հայությունը: Այլև ուրախ ենք նաև, որ Սրբազան Պատրիարքը հետ այսու իր սիրած ու վարժ ուղիով պիտի ֆայլե՝ սրտով ուրախ, հոգով հանգիստ:

Իմ սիրելի՝ ժողովուրդ, մեր նախնիքը դարերի ընթացքում տոկացել են ամեն դառնության՝ պահպանելու համար իրենց ազգային դեմքը: Նոքա պայմաններում և պաշտպանել են Ազգի ազատությունը և Հայրենիքի ու Հայրենի Պետության անկախությունը: Եվ միայն բնաջնջման վտանգից գերծ մնալու նպատակով է, որ ստիպված են եղել լաց ու կոծով թողնել իրենց պաշտած հայրենի հողը և գաղթել, սակայն, միշտ պահպանելով իրենց հոգու խորքում վերստին Հայրենիք դառնալու հույսը:

Մեր նախնիքը իրենց հյուրընկալված նոր երկրում մի ձգտում, մի իղծ են ունեցել՝ պահպանել իրենց խղճի ազատությունն ու ազգային դեմքը և հայ մեալ: Եվ այդ նպատակի համար էլ, ուր որ գնացել են, հիմնել են «Ազգային տուն», այն է՝ Եկեղեցի, դպրոց, մամուլ:

Հայ Եկեղեցին դարերի ընթացքում եղած է հայության համար ո՛չ միայն հավատի վառարան, այլև ազգապահպանման էական ազդակ: Հայ Եկեղեցին է, որ հավատացյալների աչքն ու սիրտը դեպի ինքը դարձնելով՝ ի մի է խմբում և շողկապում իր տարագիր զավակներին, ջերմացնելով նոցա սիրտը նախնայաց ջերմեռանդությամբ և մեծահոգությամբ ու առ Ազգն և Հայրենիքը սունեցած անձնվիրությամբ՝ պահելով նրանց հնադարյան հաստատության՝ Մայր Աթոռ Ս. Էջմիածնի հովանու ներքո:

Նյութական Եկեղեցին բարոյական շենք դարձնողը կենդանի հավատն է, իսկ հավատը կենդանի ու վառ պահողը՝ անձնվեր հովիվն է: Անձնվեր հովիվն է, որ հավատացյալների միտքը լուսավորում է Ս. Ավետարանի լուսով և սիրտը ջերմացնում սիրո զգացմունքով դեպի ընկերը և այսպես ղեկավարում է անձնվեր հովիվը հավատացյալների միտքն ու սիրտը դեպի բարին, գեղեցիկն ու ճշմարիտը՝ դաստիարակելով նոցա ճշմարիտ հավատացյալ և դարձնելով Հիսուս Քրիստոսի հավատարիմ ու ճշմարիտ աշակերտը:

Հայ դպրոցն է, որ հայ մատաղ սերունդը հայեցի է դաստիարակում և կրթում՝ մարզելով նորա միտքը Հայ Աշխարհի ֆաջամարտիկ նահատակների պատմությամբ և սրբազան ավանդներով: Հայ դպրոցն է, որ վառում է հայ մատաղ սերնդի սիրտը Հայրենիքի սիրով և մկրտում նորան ազգային ոգով: Հայ Եկեղեցին, իր անձնվեր հովիվով և հայ դպրոցը՝ իր անձնվեր ուսուցիչով ազգային ինքնագիտակցության գոյության սյուներն են: Սոցա միացյալ ջանքերով է, որ հայությունը ամենուրեք, մանավանդ գաղութահայությունը օտար երկրներում և կուլտուրապես բարձր ազգերի մեջ կարող է անխաբար պահպանել իր ազգային ոգին և, իբրև ազգ, անձույլ մնալ:

Հայ մամուլն է Սփյուռքի մեջ, որ արթնությամբ հետևել ու հետևում է վտարանդի հայության ղեկավարների գործունեությանը՝ բարյացակամությամբ

և սիրով նշելով նոցա գայթումները՝ ուղղելու նպատակով և զնախառելով նոցա նշմարիտ ընթացքը, որպես փառաբանություն:

Իմ սիրելի՛ հայ ժողովուրդ, դուք էլ սիրեցե՛ք ձեր նախնայաց նման Հայաստանայց Առաքելական Ս. Եկեղեցիներ, այն Եկեղեցիներ, որ դարերով պահել է ձեզ հայ, հետ այսու էլ նա պիտի պահե ձեզ հայ: Նա է նաև, որ պիտի զուրացնե հանդեպ միմյանց տածած ձեր բուպացած սերը՝ վերստին եղբայրացնելով ձեզ: Սիրեցե՛ք հայ դպրոցը, հատկապես ձեր նորաբաց Դպրեվանդը, որ պիտի ջերմացնե ձեր սիրտը Հայրենիքի սիրով, պիտի մկրտե և ունեացնե ձեր զավակների հոգին ազգային-կրոնական ոգով: Սիրեցե՛ք և պահպանեցե՛ք հայ մամուլը, որ խթան պիտի հանդիսանա հաստատությունների և մարմինների գայթումները բարյացակամությամբ և սիրով ընդգծելու և նշմարիտ ուղիներ նշելու: Իսկ Մենք ենք և կմնանք աղոթող ձեզ համար և օրհնող ձեր բարի ձեռնարկները:

Աստվածային օրհնությունն ենք հայցում ձեզ վրա, որ մնաք եղբայրասիր և եկեղեցասեր, ազգասեր և հայրենասեր ու էջմիածնասեր, որով ընդմիշտ անխաբար պիտի պահպանե՞լի ձեր ազգային դեմքը:

Աստվածային Աջը բող հովանի և պահպան լինի ձեր բոլոր ազգային-եկեղեցական հաստատություններին ու մարմիններին և հաջողությամբ պսակե ձեր բարի ձեռնարկները: Աստվածային Աջը հատկապես հովանի և առաջնորդ լինի ձեր մեծագույն մարմնի՝ Ազգային-Եկեղեցական Խառն Ժողովին, որ՝ Ամենայն Հայոց Հայրապետի ներկայացուցիչ՝ Ամենապատիվ Սրբազան Պատրիարքի նախագահությամբ՝ հոգա ձեր եկեղեցական-ազգային կարիքները և առաջնորդե ձեզ դեպի բարին, գեղեցիկն ու նշմարիտը:

Մաղթում ենք Ամենաբարձրյալին, որ ներշնչե Խառն Ժողովի մեծամասնական և փոքրամասնական հատվածներին՝ ցուցաբերել հանդեպ միմյանց փոխադարձ եղբայրական վերաբերմունք և զիջող խոհական ոգի, որպեսզի համերաշխ գործեն և հաջողությամբ պսակվեն նոցա ազգօգուտ ձեռնարկները: Մաղթում ենք նաև, որ Տերը առավել ևս զորացնե Սրբազան Պատրիարքի ուղղամտության և անաչառության ոգին, որ հաջողի ղեկավարել Ազգային Սանժամադրության ճիշտ ոգով և համերաշխ պահել Խառն Ժողովը, որպեսզի վերջինս էլ համերաշխության և համագործակցության նշմարիտ օրինակ հանդիսանա իր հովանու ներքո գործող հաստատություններին ու մարմիններին և Թյուրքիայում ծվարած հայ ժողովրդական հատվածին: Եվ ձեր ալեգարդ Հայրապետը տեսնե այն և մխիթարվի և փառք տա Ամենակալին:

Շնորհք և ողորմություն Տեսնո մերոյ Յիսուսի Քրիստոսի եղիցի ընդ ձեզ և ընդ ամենեսեանդ, ամէն:

Գեորգ Զ

ՇԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուա կոնդակս ի 20-ն սեպտեմբերի
1953 Փրկչական ամի, և ի տումարիս Հայոց Ռեհ,
յիններորդում ամի Հայրապետության Մերոյ՝
ի վառն Սրբոյ էջմիածնի: